

Latihan Penulisan: Amalan Menabung

menurut hawa hafsu	menjamin masa depan	menghadapi saat-saat kecemasan	memupuk sikap berjimat cermat	menerapkan amalan menabung
menggunakan wang simpanan	bijak mengurus wang	merealisasikan cita-cita	menampung kos pengajian	menunaikan haji dan umrah

Amalan menabung merupakan amalan yang mulia. Ibu bapa perlulah mendidik anak-anak mereka agar menabung sejak kecil lagi. Peribahasa "melentur buluh biarlah ketika rebungnya" perlu dipraktikkan oleh ibu bapa dalam (1) _____ kepada anak-anak mereka. Persoalannya, apakah kebaikan amalan menabung?

Amalan menabung dapat (2) _____ dalam diri kita. Kita akan berhati-hati dalam membelanjakan wang. Kita tidak akan berbelanja secara boros atau (3) _____ semata-mata. Jika kita tidak menabung, kita mungkin membeli barang-barang yang tidak kita kehendaki. Ada antara barang tersebut bukanlah barang yang benar-benar kita perlukan. Oleh itu, kita mungkin melakukan pembaziran.

Selain itu, amalan menabung penting untuk (4) _____ kita. Sikap rajin menabung semasa masih muda, sihat dan bertenaga menyenangkan kita pada hari tua. Dengan adanya wang, kita dapat menikmati kehidupan dengan lebih selesa. Hal ini bertepatan dengan peribahasa "berakit-rakit ke hulu, berenang-renang ke tepian, bersakit-sakit dahulu, bersenang-senang kemudian". Kita haruslah sanggup bersusah dahulu demi kesenangan kelak. Bagi umat Islam, wang yang ditabung dapat digunakan untuk (5) _____ pada masa depan.

Seterusnya, amalan menabung membolehkan kita melanjutkan pelajaran ke menara gading. Dengan perkataan lain, kita dapat (6) _____ untuk melanjutkan pelajaran ke peringkat yang lebih tinggi. Wang tabungan dapat kita gunakan untuk (7) _____ kita di universiti. Oleh yang demikian, kita dapat meringankan beban ibu bapa kita, memandangkan pengajian di universiti memang menelan kos yang tinggi.

Sudah terang lagi bersuluh, amalan menabung membantu kita (8) _____. Sesungguhnya, "malang tidak berbau". Kita perlulah bersedia untuk menghadapi sebarang kemungkinan. Jika kita jatuh sakit atau ditimpa kemalangan, kita dapat (9) _____ untuk mendapatkan rawatan di hospital. Melalui amalan menabung, kita dapat menghadapi saat-saat kecemasan tanpa mengharapkan bantuan orang lain. Kita tidak perlu meminjam wang atau berhutang dengan sesiapa juga.

Kesimpulannya, setiap orang perlulah mengutamakan amalan menabung. Amalan menabung perlu kita praktikkan supaya kita dapat menghadapi cabaran pada hari muka. Kita perlulah (10) _____ supaya dapat meneruskan kehidupan dengan tenang. Ayuh, marilah kita menabung!